



Broj: 04 – 555 - 2/19

Datum: 29.03.2019.godine

Na osnovu člana 44. tačke 5. Zakona o zapošljavanju i pravima za vrijeme nezaposlenosti Brčko distrikta BiH ("Službeni glasnik Brčko distrikta BiH" broj 33/04, 19/07 i 25/08), člana 26 tačka a) Statuta Zavoda za zapošljavanje Brčko distrikta BiH – prečišćen tekst (br.04-139/16, 04-1026/16, 04-1810/16 i 04-1546/18) i člana 17 stav (2) Pravilnika o mjerama za podsticaj zapošljavanja – prečišćen tekst (br.04-1409/16, 04-1013/17, 04-1955/17 i 04-1164/18), a u skladu s Odlukom Vlade Brčko distrikta BiH o odobravanju Programa samozapošljavanja u poljoprivredi na području Brčko distrikta BiH u 2018. godini (broj: 13-003110/18 od 29.11.2018. godine) i Odluke o odobravanju izmjene i dopune Programa samozapošljavanja u poljoprivredi na području Brčko distrikta BiH broj predmeta: 13-003110/18 od 29.11.2018.godine, Upravni odbor Zavoda za zapošljavanje Brčko distrikta BiH, na svojoj Dvanaestoj redovnoj sjednici održanoj dana 28.03.2019.godine, donosi Odluku (br: 04-555/19), da se objavi

JAVNI POZIV

za prijavu po Programu samozapošljavanja u poljoprivredi na području Brčko distrikta BiH u 2018. godini

1. CILJ JAVNOG POZIVA

Javni poziv ima za cilj realizaciju Programa samozapošljavanja u poljoprivredi Vlade Brčko distrikta BiH, na području Brčko distrikta BiH u 2018. godini, kao doprinosa razvoju poljoprivrede kroz stvaranje uslova za samozapošljavanje lica koja se nalaze na evidenciji Zavoda za zapošljavanje Brčko distrikta BiH (u daljem tekstu: Zavod) u vidu finansijske podrške za lica koja otpočinju ili su otpočela poljoprivrednu proizvodnju.

2. KORISNICI PROGRAMA IZ JAVNOG POZIVA

- (1) Korisnici programa mogu biti nezaposlena lica koja ispunjavaju opšte kriterije iz ovog programa, a koja prođu edukaciju iz oblasti preduzetništva po Programu samozapošljavanja u poljoprivredi u 2018. godini, kao i ona lica koja su prošla obuku po programu samozapošljavanja iz 2014, 2015, 2016, 2017 i 2018. godine koju je organizovalo Odjeljenje za privredu, sport i kulturu.
- (2) Odjeljenje za poljoprivredu, šumarstvo i vodoprivredu (u daljem tekstu Odjeljenje) obezbijediće organizaciju i izvođenje edukacije za aplikante navedene pod tačkom (1.) poglavlja 2. ovog Javnog poziva.
- (3) Opšti kriteriji za izbor kandidata ove kategorije lica su:
 - a) da lice ima prijavljeno prebivalište na području Brčko distrikta BiH, najkraće od 31.12.2014.godine;
 - b) da se u vrijeme raspisivanja Javnog poziva lice vodi na evidenciji Zavoda i da aktivno traži zaposlenje;
 - c) da lice pokreće djelatnost iz oblasti poljoprivrede i to:
 - ulaganja u primarnu poljoprivrednu proizvodnju (u biljnu i stočarsku proizvodnju - nabavka ili tov životinja, kupovina i sadnja višegodišnjih biljaka),
 - ulaganja u preradu poljoprivrednih i ribljih proizvoda (mlijeka i mliječnih proizvoda, prerade mesa, ribe, prerade voća i povrća, pčelinjih proizvoda),
 - izgradnja, obnova i /ili rekonstrukcija poljoprivrednih objekata i infrastrukture povezane uz poljoprivredni potencijal,
 - kupovina mehanizacije i opreme za poljoprivrednu proizvodnju;
 - d) da je lice upisano u Registar poljoprivrednih gazdinstava ili Registar klijenata u Distriktu (Za upis u Registar poljoprivrednih gazdinstava ili Registar klijenata u Distriktu Odjeljenje za poljoprivredu, šumarstvo i vodoprivredu izdaje Potvrdu);



- e) da lice ima dokaz o pravu vlasništva ili pravo korištenja poljoprivrednim zemljištem isključivo na teritoriji Distrikta (Kao dokaz o pravu svojine ili pravu korištenja poljoprivrednog zemljišta ili objekta za uzgoj životinja, isključivo na teritoriji Distrikta može se priložiti: zemljišnoknjižni izvadak ili prepis posjedovnog lista ili rješenje Vijeća za izlaganje s popisnim listom (ne starije od 12 mjeseci), ugovor o zakupu, darovni ugovor, kupoprodajni ugovor, rješenje o nasljeđivanju, uvjerenje o pokrenutoj ostavinskoj raspravi i izjava o saglasnosti potencijalnih nasljednika o korištenju poljoprivrednog zemljišta u korist korisnika (ukoliko korisnik nije upisan u zemljišnu knjigu, a u toku je ostavinska rasprava).

(4) Korisnici programa mogu biti i lica koja su registrovala poslovnu djelatnost u 2018. godini.

Opšti kriteriji za izbor kandidata su:

- da lice ima prijavljeno prebivalište na području Brčko distrikta BiH, najkraće od 31.12. 2014. godine;
- da se lice prije registracije djelatnosti vodilo u evidenciji lica koja aktivno traže zaposlenje u Zavodu, izuzev lica navedenih pod tačkom (4) poglavlja 2. ovog Javnog poziva;
- da lice pokreće djelatnost iz oblasti poljoprivrede navedenih u poglavlju 2. tačka (3) pod tačkom c) ovog Javnog poziva;
- da je lice upisano u Registar poljoprivrednih gazdinstava ili Registar klijenata u Distriktu (Za upis u Registar poljoprivrednih gazdinstava ili Registar klijenata u Distriktu Odjeljenje za poljoprivredu, šumarstvo i vodoprivredu izdaje Potvrdu);
- da lice ima dokaz o pravu vlasništva ili pravo korištenja poljoprivrednim zemljištem isključivo na teritoriji Distrikta (Kao dokaz o pravu svojine ili pravu korištenja poljoprivrednog zemljišta ili objekta za uzgoj životinja, isključivo na teritoriji Distrikta može se priložiti: zemljišnoknjižni izvadak ili prepis posjedovnog lista ili rješenje Vijeća za izlaganje s popisnim listom (ne starije od 12 mjeseci), ugovor o zakupu, darovni ugovor, kupoprodajni ugovor, rješenje o nasljeđivanju, uvjerenje o pokrenutoj ostavinskoj raspravi i izjava o saglasnosti potencijalnih nasljednika o korištenju poljoprivrednog zemljišta u korist korisnika (ukoliko korisnik nije upisan u zemljišnu knjigu, a u toku je ostavinska rasprava).

(5) Broj lica koja će biti obuhvaćena ovim Programom biće usklađen sa raspoloživim sredstvima.

3. LICA KOJA NE MOGU UČESTVOVATI U PROGRAMU

(1) U programu ne mogu učestvovati:

- lica koja imaju suvlasničke dijelove u firmama;
- članovi upravnih i nadzornih odbora u javnim preduzećima i javnim ustanovama;
- lica protiv koji se vodi krivični postupak;
- lica mlađa od 18 godina;
- lica ili članovi njihovih domaćinstava (suprug/a, djeca ili roditelji) koja su već koristila sredstva po programu samozapošljavanja Odjeljenja za privredni razvoj, sport i kulturu, osim u slučaju da je ugovor o samozapošljavanju istekao i da lice, koje osvari podsticajna sredstva po ovom Programu, neće obavljati istu djelatnost koju je obavljalo, odnosno, onu koju je obavljao neko od članova njegovog domaćinstva i za istu je takođe ostvario podsticajna sredstva;
- lica koja su u periodu od 12 mjeseci prije objavljivanja javnog poziva odjavila registrovanu djelatnost.

(2) Kriteriji navedeni u poglavlju 3. tačka (1) ovog člana su eliminatornog karaktera i zahtjevi koje podnesu navedena lica se neće uzimati u razmatranje.



4. SREDSTVA ZA REALIZACIJU PROGRAMA

- (1) Ukupan iznos sredstava za realizaciju Programa u iznosu od 500.000,00 KM obezbijeđen je Budžetom Brčko distrikta BiH za 2018. godinu u Odjeljenju na ekonomskom kodu 614312 Grantovi ostalim organizacijama „Grant Zavodu za zapošljavanje Brčko distrikta BiH za realizaciju programa samozapošljavanja u poljoprivredi“.
- (2) Sredstva za realizaciju Programa se dijele na slijedeći način:
 - sredstva u iznosu od 80 % (400.000,00 KM) su namijenjena za aplikante iz poglavlja 2. tačka (1) ovog Javnog poziva
 - sredstva u iznosu od 20 % (100.000,00 KM) su namijenjena za aplikante iz poglavlja 2. tačka (4) ovog Javnog poziva

Ukoliko sredstva po jednoj od predloženih lista ne budu u cijelosti utrošena, ista se mogu preusmjeriti na listu na kojoj je veće interesovanje aplikanata.

5. REALIZACIJA PROGRAMA

Program će biti realizovan:

- (1) Javnim pozivom, koji je integralan što podrazumijeva da se prijavom na javni poziv aplikanti (nezaposlena lica koja se nalaze na aktivnoj evidenciji Zavoda) prijavljuju i na obuku iz oblasti preduzetništva s ciljem osposobljavanja za pripremu i izradu poslovnog plana, nakon koje slijedi izbor aplikanata koji imaju najbolje poslovne ideje razrađene poslovnim planom.
- (2) Lica koja su završila obuku u prethodnim godinama iz oblasti preduzetništva koje je organizovalo Odjeljenje za privredu, sport i kulturu nisu obavezna prisustvovati obuci iz oblasti preduzetništva u poljoprivredi koju će organizovati Odjeljenje za poljoprivredu, šumarstvo i vodoprivredu.
- (3) Zavod će aplikante obavijestiti o terminu održavanja edukacije, koja će trajati 9 dana (tri modula po tri dana), isključivo putem web-stranice Zavoda.
- (4) Aplikanti su u obavezi, nakon sprovedene obuke, u roku od sedam dana dostaviti poslovni plan Zavodu (Prilikom predaje poslovnog plana aplikanti su u obavezi dostaviti dokaz/e:
 - da je aplikant upisan u Registar poljoprivrednih gazdinstava ili Registar klijenata u Distriktu,
 - da aplikant ima dokaz o pravu vlasništva ili pravo korištenja poljoprivrednim zemljištem isključivo na teritoriji Distrikta).
- (5) Aplikanti iz poglavlja 2. tačka (4) ovog Javnog poziva, kao i lica koja su završili/a obuku u predhodnim godinama, takođe imaju obavezu da dostave poslovni plan u roku od sedam dana od završetka edukacije aplikanata prijavljenih na ovaj Javni poziv (Prilikom predaje poslovnog plana aplikanti su u obavezi dostaviti dokaz/e:
 - da je aplikant upisan u Registar poljoprivrednih gazdinstava ili Registar klijenata u Distriktu,
 - da aplikant ima dokaz o pravu vlasništva ili pravo korištenja poljoprivrednim zemljištem isključivo na teritoriji Distrikta).
- (6) Komisiju za ocjenjivanje će činiti dva predstavnika Odjeljenja i jedan predstavnik Zavoda.
- (7) Komisija je dužna da, u roku od 15 (petnaest) dana (od dana prijema poslovnih planova od strane Komisije), nakon dostavljanja poslovnih planova, razmotri i rangira prispjele aplikacije prema kriterijima koji će biti vrednovani u rasponu od 15 do 30 bodova.
- (8) Kriteriji na osnovu kojih će se vrednovati aplikacije su:
 - a) značaj projekta i njegov doprinos poboljšanju uslova za razvoj – ocjena poslovne ideje;



- b) vrsta djelatnosti;
 - c) doprinos projekta stvaranju uslova za zapošljavanje i mogućnost dodatnog zapošljavanja u naredne dvije godine;
 - d) ocjena biznis plana;
 - e) obezbijeđeno sufinansiranje projekta iz sopstvenih i iz drugih izvora kako novčano tako i materijalno;
 - f) obezbijeđena ekonomičnost projekta – održivost projekta;
 - g) sporazumi, predugovori za saradnju i posao, postojanje tržišta za djelatnost kojom se namjerava baviti.
- (9) Na osnovu navedenih kriterija, Komisija je dužna da kreira obrazac za vrednovanje pristiglih poslovnih planova.
- (10) Komisija sačinjava prijedloge liste o rangiranju aplikanata iz poglavlja 2. tačka (1) i liste aplikanata iz poglavlja 2. tačka (4) ovog Javnog poziva, koje objavljuje na oglasnoj tabli i web-stranici Zavoda. Liste sadrže ime i prezime aplikanta, broj bodova i predložene iznose. Na predložene liste se može uložiti prigovor u roku od sedam dana od dana objavljivanja.
- (11) Prigovor se podnosi Upravnom odboru Zavoda putem protokola Zavoda.
- (12) Nakon donošenja konačne odluke po prigovoru/ima, Komisija utvrđuje konačne liste rangiranih kandidata.
- (13) Nakon donošenja konačne liste rangiranih kandidata, Zavod zaključuje ugovor o dodjeli novčanih sredstava za finansiranje po Programu samozapošljavanja u Brčko distriktu BiH sa kandidatima sa konačne liste.
- (14) Iznos sredstava po jednom projektu za aplikanta iz poglavlja 2. tačka (1) ovog Javnog poziva ne može prelaziti iznos od 20.000,00 KM (slovima: dvadeset hiljada konvertibilnih maraka), a za aplikante iz poglavlja 2. tačka (4) ovog Javnog poziva iznos od 10.000,00 KM (slovima: deset hiljada konvertibilnih maraka).
- (15) Aplikanti koji podnose prijavu po Programu samozapošljavanja, uz istu prilažu izjavu o ispunjavanju uslova iz Javnog poziva.

6. NAMJENA ODOBRENIH SREDSTAVA

- (1) Sredstva po ovom programu korisnicima sredstava mogu biti odobrena za :
- a) nabavku opreme u 100 % iznosu, od odobrenog iznosa,
 - b) troškove zakupa, uređenja i izgradnje objekta u poljoprivredi u iznosu koji ne prelazi 30 % odobrenog iznosa,
 - c) nabavku repromaterijala u iznosu koji ne prelazi 30% odobrenog iznosa,
 - d) ostalo (sitan alat, certificiranje i sl.) u iznosu koji ne prelazi 40 % odobrenog iznosa.
- (2) Sredstva po ovom programu se ne mogu koristiti za upis u sudski registar preduzeća.

7. ISPLATA ODOBRENIH SREDSTAVA

- (1) Zavod može, nakon upisa u sudski registar i zaključivanja Ugovora, odabranim korisnicima isplatiti 30 % odobrenog iznosa, a preostali iznos nakon pravdanja odobrenih sredstava dostavljanjem odgovarajuće dokumentacije.

8. OBAVEZE KORISNIKA SREDSTAVA

- (1) Saglasno članu 8. Programa samozapošljavanja u poljoprivredi na području Brčko distrikta BiH u 2018. godini, te člana 26 Pravilnika Zavoda o mjerama za podsticaj zapošljavanja, korisnici programa su dužni/saglasni su da:
- a) Korisnici Programa iz poglavlja 2. tačka (1), ovog Javnog poziva, da dvije godine poslije datuma izdavanja sudskog rješenja o osnivanju poslovnog subjekta, aktivno obavljaju djelatnost za koju su registrovani, a korisnici Programa iz poglavlja 2. tačka (4), ovog Javnog poziva, da dvije godine poslije potpisivanja ugovora sa Zavodom, aktivno obavljaju djelatnost za koju su registrovani
 - b) redovno izmiruju obaveze po osnovu poreza i doprinosa,



- c) ukoliko korisnik sredstava ne ispoštuje ugovorene obaveze, neće moći učestvovati u programima zapošljavanja koji se finansiraju iz Budžeta Brčko distrikta BiH u narednih pet godina,
- d) Zavod može, u skladu sa Zakonom o finansijskom poslovanju Brčko distrikta BiH, ugovoriti da mu korisnik sredstava preda neki od instrumenata obezbjeđenja ili da povrat sredstava obezbijedi na neki drugi način u skladu sa zakonom,
- e) ukoliko korisnik sredstava ne ispoštuje ugovorne obaveze, ima obavezu da vrati cjelokupan iznos dobijenih sredstava.

9. ROK ZA PODNOŠENJE ZAHTJEVA

- (1) Javni poziv počinje teći od 29.03.2019. godine i završava se 15.04.2019. godine a biće objavljen na web stranici Zavoda.
- (2) Tekst Javnog poziva i prijavu sa priložima zainteresovana lica mogu preuzeti sa web stranice Zavoda zzzbrcko.org ili u Zavodu.
- (3) Prijavu na Javni poziv (sa Izjavom), predaje aplikant lično.
- (4) Poslovni plan, sa pripradjućom dokumentacijom, predaje aplikant lično.
- (5) Dodatne informacije mogu se dobiti direktno u Zavodu ili na telefon broj: 049/217-411.
- (6) Nepotpune i neblagovremeno dostavljene prijave smatraće se nevažećima.
- (7) O rezultatima javnog poziva aplikanti će biti obaviješteni putem web stranice Zavoda.



Predsjednik Upravnog odbora

/ Rasim Smajlović, dipl. pravnik /